

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10.stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 11-671-2/17 od 31.05.2017.godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu:Ugovorni organ)

i

2. **„ASA ASSISTANCE“ d.o.o. Sarajevo, ul. Trg međunarodnog prijateljstva 25.**, registrovan kod Općinskog suda u Sarajevu, matični broj subjekta upisa: 65-01-1633-09, identifikacijski broj kod Porezne uprave FBiH Kantonalni ured Sarajevo 4201513580002, koga zastupa Direktor Alma Moranjkic (u daljem tekstu:Vršilac usluge)

dana 01.06.2017.godine, u Sarajevu, zaključuju:

UGOVOR O POSREDOVANJU PRI REGISTRACIJI I TEHNIČKOM PREGLEDU NOVONABAVLJENIH SLUŽBENIH VOZILA

OPĆE ODREDBE

Član 1.

Ovim Ugovorom regulišu se međusobna prava i obaveze Ugovornog organa sa jedne strane i Vršioca usluge sa druge strane, u vezi sa registracijom i tehničkim pregledom novonabavljenih službenih vozila Ugovornog organa, a sve prema zahtjevima Ugovornog organa broj: 11-671-1/17 od 24.05.2017.godine i Ponudi Vršioca usluge, broj: I-K 150/17 od 24.05.2017.godine, koji čine sastavni dio ovog Ugovora.

PREDMET UGOVORA

Član 2.

Predmet ovog Ugovora je registracija i tehnički pregled službenih vozila Ugovornog organa i to:

- 1) TOYOTA, god. proizvodnje 2017,
- 2) VW CEDDY Maxi 4 Furgon Basis 1.6 TDI, t 1576, nos 737, god. proizv.2016.

VRIJEDNOST UGOVORA, NAČIN I ROKOVI PLAĆANJA

Član 3.

Za registraciju i tehnički pregled novonabavljenih službenih vozila Ugovornog organa iz člana 2. ovog Ugovora Ugovorne strane saglasno utvrđuju ukupan iznos registracije i tehničkog pregleda novonabavljenih službenih vozila Ugovornog organa za period od 1 jedne godine u ukupnom iznosu od **996,69 KM bez PDV-a, odnosno 1.031,13 KM sa PDV-om i svim drugim troškovima.**

Član 4.

Ugovorni organ se obavezuje, da će nakon izvršenog tehničkog pregleda i registracije predmetnih vozila, plaćanje ugovorenog iznosa usluga iz člana 4. ovog Ugovora izvršiti u roku od 30 (trideset) dana po ispostavljanju fakture i to pojedinačno za svaku registraciju i tehnički pregled vozila.

Plaćanje će se izvršiti na račun Vršioca usluga broj:**1346101001035067**, kod Asa Bank d.d..



Član 5.

Ovaj Ugovor se zaključuje na period od 1 jedne godine.

Vršilac usluga se obavezuje da se ukupan iznos potreban za registraciju i tehnički pregled službenih vozila Ugovornog organa iz člana 4. u iznosu od **996,69 KM bez PDV-a, odnosno 1.031,13 KM sa PDV-om i svim drugim troškovima**, neće mijenjati u periodu za koji se zaključuje Ugovor.

Član 6.

Vršilac usluga se obavezuje da najkasnije 7 dana prije isteka registracije predmetnih službenih vozila o tome obavijesti Ugovorni organ.

Vršilac usluga se obavezuje preuzeti potrebnu odgovarajuću dokumentaciju kod Ugovornog organa, te izvršiti tehnički pregled i registraciju vozila, a pri tome poduzeti sve potrebne radnje predviđene važećim zakonskim i podzakonskim propisima, te odgovara za kvalitet izvršenih usluga.

Rok za izvršenje usluge je jedan dan od predaje vozila, te se vršilac usluga obavezuje nakon izvršene usluge Ugovornom organu izdati odgovarajuću dokumentaciju.

ZAVRŠNE ODREDBE

Član 7.

Ugovorne strane se obavezuju da obavijeste drugu ugovornu stranu o svim statusnim promjenama, dostavljanjem odgovarajuće dokumentacije u roku od osam dana od dana upisa u nadležni registar.

Član 8.

Za sve odnose koji nisu regulisani ovim Ugovorom, primjenjivaće se Zakon o obligacionim odnosima.

Član 9.

Ugovorne strane se obavezuju na pridržavanje zakonskih i podzakonskih propisa, kao i čuvanje poslovne tajnosti i pridržavanje poslovnih običaja.

Član 10.

Izmjene i dopune ovog Ugovora, osim suštinskih elemenata koji se odnose na iznos i period trajanja, mogu se vršiti u pismenoj formi, uz saglasnost ugovornih strana.

Član 11.

Ovaj Ugovor se može raskinuti pismenim putem ukoliko se jedna od ugovornih strana ne bude pridržavala odredaba istog, uz predhodno izmirenje svih obaveza nastalih po osnovu Ugovora.

Ovaj Ugovor se smatra raskinutim prijemom pismenog obavještenja o raskidu istog.

Član 12.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 13.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

OSIGURAVATELJ

Broj: K1-129/17

Datum: 02.06.2017



**UGOVORNI ORGAN
DIREKTOR**

Broj: 11-671-4/17

Datum: 01.06.2017.godine

